

A Asociación OF Outono Fotográfico, a Xunta de Galicia e a Deputación de Lugo convocan o XII PREMIO GALICIA DE FOTOGRAFÍA CONTEMPORÁNEA, de acordo co seguinte

## REGULAMENTO

### **PRIMEIRO** | *Obxecto*

Promover a fotografía contemporánea e as cuestións éticas que suscita, en xeral, a arte contemporánea respecto das formas de dominación e a imposición de límites ao pensamento. Promover a creación dun espazo fotográfico en Galicia que complemente o creado durante máis de tres décadas polo Festival Outono Fotográfico mediante o incentivo de propostas de carácter visual-fotográficas por parte de autores/as tanto nacionais como estranxeiros.

Poderá participar calquera autor ou autora que traballe coa fotografía con independencia da súa nacionalidade, tendo en conta que no fallo do Xurado pesará de modo especial a súa inserción no discurso da fotografía contemporánea.

### **SEGUNDO** | *Premio*

Concederáse un único premio consistente na PRODUCCIÓN DUNHA EXPOSICIÓN e/ou a PUBLICACIÓN DUN LIBRO.

#### **1. PRODUCCIÓN DUNHA EXPOSICIÓN**

Co proxecto fotográfico premiado produciríase unha exposición temporal que se inauguraría entre os meses **de decembro de 2024 e febreiro de 2025**. As características técnicas serán fixadas pola organización do certame en función da propia obra e do límite orzamentario. **A exposición será producida pola «Asociación OF. Outono Fotográfico» que nomeará un curador responsábel do deseño, edición e dimensionado da mesma.**

#### **2. PUBLICACIÓN DE LIBRO**

Poderase editar un libro que formaría parte da serie «PREMIO GALICIA DE FOTOGRAFÍA CONTEMPORÁNEA» da colección «OF» **do selo editorial de Difusora de Letras Artes e Ideas, editorial que nomeará ao editor/a e deseñador/a do libro** que se distribuiría nas librerías.

**ITINERANCIA.** A exposición será inaugurada en Lugo e poderá itinerar durante dous anos. Tamén podería ser parte da programación que elaboren a tal efecto tanto a Deputación de Lugo como a Xunta de Galicia.

### **TERCEIRO** | *Características do proxecto a presentar*

As/os autoras/es participantes deberán presentar un proxecto fotográfico realizado en calquera data comprendida entre **setembro de 2014 e setembro de 2024**, e que non fora subvencionado ou becado na súa totalidade anteriormente noutro certame, nin editado na súa totalidade en calquera soporte, con enteira liberdade respecto ao tema e á técnica.

### **CUARTO** | *Prazo de presentación e condicións*

O prazo de presentación das obras será do **24 de xullo ao 15 de setembro de 2024**

Os proxectos presentaranse a través da plataforma <https://site.picter.com/premiogalicia-2024>

### **QUINTO** | *Documentación a presentar*

1. Sinopse e/ou texto autoral de non máis de 2.500 caracteres. Poderá conter enlaces á web da autora ou autor, a vídeos, a outras imaxes do proxecto presentado ou a outros proxectos.
2. Un máximo de 15 imaxes do proxecto. As imaxes terán polo menos 3.000 píxeles na súa medida máis longa e formato JPG.
3. Biografía da autora ou autor cun máximo de 1500 caracteres. Pode conter enlaces a web, redes sociais ou a un CV ou BIO ampliada.

### **SEXTO** | *Composición do Xurado.*

1 persoa que nomee a Xunta de Galicia [entidade patrocinadora]  
1 persoa que nomee a Deputación de Lugo [entidade patrocinadora]  
Vítor Nieves. Curador, profesor, editor e fotógrafo. Coordinador do Premio.  
Xosé Lois Vázquez. Fotógrafo, deseñador e editor. Presidente da «Asociación OF. Outono Fotográfico».  
Elina Heikka. Historiadora da arte e directora do The Finnish Museum of Photography (Helsinki).  
Jokin Aspuru. Xestor e produtor cultural, director do festival Getxophoto (Euskadi).  
Elisa Noronha Nascimento. Museóloga, investigadora e profesora. Curadora da Bienal de Arte de Cerveira (Portugal).  
Secretario con voz e sen voto, Pablo González Prieto. Secretario da «Asociación OF. Outono Fotográfico»

### **SÉTIMO** | *Proceso de selección de obras e publicidade do fallo*

O Xurado fará a **selección de cinco proxectos, que serán os finalistas**. Os nomes dos autores ou autoras **publicaranse o 30 de setembro de 2024** en [www.outonofotografico.com](http://www.outonofotografico.com) e nas

redes sociais da «Asociación OF. Outono Fotográfico». A selección realizarase atendendo á linguaxe visual do autor ou da autora, á calidade fotográfica e á contemporaneidade.

**48 horas despois o Xurado designará ao gañador ou gañadora** de entre os finalistas, e o seu nome será publicado nas mesmas canles citadas máis arriba.

O fallo do Xurado será inapelable. A organización só contactará directamente co autor ou autora gañador/a.

#### **OITAVO** | *Realización do proxecto*

A gañadora/or comprométese á entrega do conxunto de imaxes, textos ou obxectos que conformen o seu proxecto **antes do día 14 de outubro de 2024**. A organización poderá poñerse en contacto coa gañadora ou gañador para supervisar o traballo realizado. A «Asociación OF. Outono Fotográfico» designará unha persoa que apoie ou titorice o proxecto gañador, así como un curador para a posible exposición. Poderase solicitar á gañadora/or material adicional para incluír no posible libro a editar.

#### **NOVENO** | *Exposición e edición do libro*

A exposición produciríase logo de ter entregado o traballo de xeito que estea **lista para a súa inauguración despois do 20 de decembro de 2024**. Paralelamente **prepararíase o libro**.

#### **DÉCIMO** | *Aceptación do Regulamento*

A participación no PREMIO GALICIA DE FOTOGRAFÍA CONTEMPORÁNEA supón a plena aceptación do presente regulamento e, no previsto no mesmo, estarase ao que dictamine o Xurado, que terá un fallo inapelable.